

大清光緒十四年

本館新聞除禮拜外日出一張  
諸君賜閱本報者無論本埠外埠均可函致本館取閱如外埠閱報加寄費可也除日報照常刊送外復不惜工本從英國採辦釘書裁紙各機器以待與各官商刊印書籍並有英法各國活字及各式花邊等延有西人操印工藝甚精所有中西文字均能刷印並有石版印字大小隨器均用精工

第 二 千 零 廿 四 號

# 報 叻

本館開設在舊巴武口門牌第十四號

印工絕倫前延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登不亦須無礙於人而後始錄其有謬屬成文以及支離費解者概不登報嗣後諸翁來札尚祈自諒更須寫實里而後敢登但來稿登與不登均不能將原稿收回也 本館謹白

戊子七月十四日

凡閱報者每月一元每日每張五仙 (大英一千八百八十八年八月十一號禮拜二) 凡刊印各報第一日每一字一仙第二日以下每字半

寄報聲明 ○啟者本報所出報紙其價係按半年而半年開單一次領取者所不同近見外埠諸君取閱本報者或有僅一二月之久即為止截其更有取巧者取閱本報迨屆半年開單往收報費之時則竟託詞謂已致函本報着為停寄何以復送前來緣是即欲圖沒報資殊堪痛恨竊思本館之報原期大眾同觀事之濟否不在一人倘不欲賜閱即以一函投諸本館斷無有不為之止截豈有強人看閱之理則此言之詐可知茲特聲明 諸君止看本報者必須作函由國家信館寄叻投之本館始為准信倘本館未接來函仍為派送則不妨再為示教至於取閱報紙必須至一年半年方能止截否即作為零沽當按價索償勿謂言之不預也特此聲明 本館謹白

### 續書本報鐵路利溥事後

一日節靡費中國每年奏疏公文塘報接遞之開銷驛站之錢糧夫馬之工食為數甚巨且有緊要奏報兼程而進不惟費鉅且復常至稽延更有使臣馳驛者沿途夫馬支應浩繁既有鐵路則郵程迅速夫馬可以無須驛站無停供帳可期不用運餉無須護送解犯無慮逃亡則此中節省靡費者不知凡幾此其利一曰便賑濟歲之凶荒偏災時有若本境之米既不敷用而隣境之米以艱於轉運又不克來以致溝道飢鴻無從謀食既有鐵路則移粟移民朝夕可及往來利便費用無多是則縱遇荒年亦不患米薪之貴此其利九一曰裨漕運河運海運聚訟不休僱夫雇船靡費甚巨有鐵路則飛芻挽粟事省而功速則天庾常充京倉不缺更無有需水以及霽變之虞此其利十他若文報不致稽延盜賊不敢窺伺信局可資津貼礦產可助運費此猶小焉者耳雖然似此十利均已入人心目之中世之說者多能言之又安能盡括鐵路之利權不知更有大利四端一則曰吏治可清也再則曰國是可定也三則曰屬邦可保也四則曰利權可收也請再推其理而詳言之從來天下之治亂恒視吏治之得失以為轉移各省距京愈遠而吏治之壞愈多君門萬里呼籲不聞民負奇冤無由申訴由是而亂遂作矣既有鐵路則消息靈通凡屬貪官汚吏病國害民則詭怨之詞自不難探登日報物議勝於白簡輿論速於置郵雖未必能據為定評援為罪案而貪墨之吏終以人言可畏有所顧忌究不敢明目張胆如前之任意殃民是所謂吏治可清者也中國之積弊惟在拘迂不化銅蔽難除遇一大事則竟若築室於道難決從違且皆成見難融故國是之弛遂不可勝言有鐵路則雖邊疆瘴海不啻戶庭而士大夫耳目既廣見識漸開世上多一明白時務之人即少一異議阻撓之人風氣轉移則人心必幡然一變斯中國轉弱為強之兆亦將於此階之是所謂國是可定者也至若控馭邊疆附循屬國尤莫急於鐵路今日者越南則入於法矣緬甸則併於英矣琉球則早夷於日本矣但存高麗一國則又幾幾與俄日共之至若邊疆則黑龍江一帶俄人蠶食者將及於半而西藏青海則又岌岌焉將為印度之繼推原其故皆由未能早設鐵路以資控馭遂致邊疆日蹙莫保封藩使早有鐵路以達之則呼應靈而救援亦易又何至事事皆落於人後惟今已矣事後圖維尚何能及痛定思痛則不得不作亡羊補牢之計而鐵路固可緩乎雖往者已不可追而來者或猶可及此所謂屬邦可保者也至於洋貨入口每值百元之貨則抽取五元載在約條不能增減惟於鐵路之運價則由總其事者操權附載者不得與爭即使其價稍昂而人樂其利便亦無不欣然願就日計則不足月計則有餘月計則不足歲計則有餘則此中得無形之利者不知凡幾此所謂利權可收者也凡此各利均為當今所急非如泛泛想當道籌之也熟故得銳意舉行即有議其弊者亦概置之不問試觀 官禁內地亦已行駛火車則其見重於時可想而見然則九重亦以火車為利更何敢議其非哉是以津門鐵路方及舉行而獲利遂致如是之豐可知其中實未嘗無故存焉者也

### 土事電音

○初十日英京發來電音云現上廷已遍發國書照會各大國其大略謂意國現在以兵據守馬沙華地方實屬有違條約云云大意如是其詳則不可得而知也

### 法京電音

○初十日英京發來電音云前電所言巫連牙將軍在渣連池地方被人放鎗轟擊一事茲查得其確始知放鎗者前非欲擊將軍不過二人相鬥於路其一人因放手鎗而將軍適至遂致杯蛇弓影妄起猜疑耳

傷之人能否獲痊再為究辦云

私烟案錄 ○初十日巡理府訊私烟案一則計被告三人一日林亞豐一日林亞榮一日陳亞教為巡丁搜獲私烟灰計共值銀一元一角九占府憲訊畢判各罰銀一百元無銀充當苦工一月

防兵被控 ○初十日巡理府訊各案內有一起係本坡駐防兵丁某為某西捕所控稱該兵由東陵兵房喚坐手車來坡不惟不給車費并且將車夫毆打云云而昨日訊之時該營兵官親臨觀審府憲詳訊各供畢以毆打車夫一事尚未能決其盡屬實情惟車值不償則顯然有據因判令該兵給與該車夫車費銀二角而退

麻六甲命案續錄 ○麻六甲峇株勿蘭南地方之命案本報迭經詳錄茲得死者亞當之妾親供較為詳盡故不憚其煩重為之補錄焉查死者亞當娶有二妻其大婦則寓居勿林民地方距甲卑有十英里之遙當平日以販牛為業而婦復善於畜牧當常至叻販買羶羶牛羊歸而歸牧之無不碩大肥茁異常故亞當之常寓大婦家其妾即兇犯蠻打之女隨其父寓居峇株勿蘭南地方距甲卑有七英里之遙而當由大婦處至甲附則必由妾家道過此次亞當欲來叻販牛因於先一日啟行欲至妾家繼櫃一宵再行就道既至時已薄暮因與其丈人峰相見並欲欲於家朝往叻蠻打因問往叻中對以賣牛復問欲買若干當曰吾自買若干頭及友人所託代買者計銀八百餘元蠻曰然則銀存何所當曰在吾身中或不致虞暴客也特詢畢唯唯而退因與其妻共商欲圖謀害而憚當勇力因潛命其長子至相與助力并與其女即亞當之妾言之女聞而駭極不知所措乃跪而哀曰婿無死罪即或有所忤尚懇宥其愆尤蠻聞之怒曰小婢子知有夫而不知有父耶吾之所為汝能助則助不能亦不得洩吾事否則白刃將及汝矣女聞語極果不敢言至夜深時蠻父子持械入室時當方在夢鄉未返蠻遽以刃揮之不中當乃驚起復復之亦不中由是相與糾纏當固雄武蠻非其敵已為當壓之於地時蠻子在傍見此情形即執鐵杖猝起向當毆擊當略為閃避其力已鬆蠻即乘勢翻起反擊當於地中蠻子即以鐵桿鞭之當遂受傷暈去蠻復舉大鐵鎚向其頭顱狠擊而當已腦血流當當場死矣時蠻之女見父兄所為且悲且怖乃逃匿鄰家懼不敢動蠻父子殺當後即將當鼻及其陰割下并將其腕筋割斷以穆拉油人之法蓋以當在日幻術甚精惟恐其死而復生故至於此也當既死蠻父子乃以牛車袋載其屍父子相與扛至屋前林澗之中在水底開一穴而瘞之以圖滅跡方以為如是則鬼神亦莫能知覺矣詎是夜蠻家隣舍有穆拉油少年二人深宵不寐見蠻屋屋形忙亂既而見蠻父子深夜啟門營作知有所異欲為查察又恐無因乃候至黎明相與至蠻家故以危詞試嚇蠻曰君昨宵幹大好事何竟吝慈兄弟一杯羹耶蠻聞語大驚即各給洋銀十元囑其勿洩二穆拉油得銀欣然而去仍未悉其事也迨至當先遺來叻之伴候久而當不至因復旋申尋問覺踪跡杳如是始報於案中訪查得實聞國家勝當之屍勘驗時証死期已閱數旬而面目顏色依然不變驗後十餘日再為檢驗亦不變意者冤魄所鍾聚而不散歟嗣此案勘定後判蠻論抵迫押往該處行刑之際神色自若中途歇站并與人家取壺茗清水自言今日乃我蠻打死期然有英總差印度鎗差及諸巡差等多人護送吾行并人山人海以送死亦何憾道就刑之際蠻復有一妾偕其次子至為之哭送甚哀蠻亦不為之動時當之大婦亦在場觀刑色舞眉飛曰吾夫之仇今而有報矣其始末之情形如此爰補誌之


建省芻言 ○臺灣自奉部議改設行省後劉帥旋欲於南北適中之彰化縣建立省城查全臺勢背東面西南北綿亘垂二千里海口皆西向自康熙朝隸入版圖迤南祇一郡兩縣至雍正時始於嘉義縣北添設彰化縣治彰化與鹿港一口相表裏水陸扼要各據中樞策應左右關鍵內外全台於是稱要害焉從前沈文肅公督師渡台即有建省於此之意後以東渡未果省帥今踵其意而行揆之地利人情二者均合前已派員將該處形勢繪圖呈覽今札調臺北府雷穎生太守往署台中府缺俾得因地制宜草創一切將來省垣既成規模大備其造福於臺疆者豈淺鮮哉不禁拭目俟之

暴病致斃 ○初十夜七時鳴鐘有一華人某其姓氏居不得而悉第聽其所操口音係為潮籍也者時則購獨行道經牛車水橫街見有其同籍諸人在該街傍攔攔賣熟食某欲就而吸之方以大有之羹而充小人之腹詎意掃几欲坐而立是不牢竟爾翻身墜下泥首塗中吾不知其果有夙疾否也時見其耳鼻與口鮮血淋漓如銀河傾瀉逝者不息某至其屍視其昏恍若不知人事者傍觀諸人徒為目擊歎歎不知所救惟有任壁上以觀而已嗣有英差與華差二人察至該處某與擬欲尋送西醫院調治不料躑躅途次氣息奄奄某已溘然長逝而該差遂即報案請驗焉噫某之斃命亦可知死生至無常者矣然據說者謂其染中血之症而亡云

驗屍彙錄 ○初十日驗屍官馬君暨同陪驗諸君稽驗屍身二具一係溺於水中一係斃於獄內而要之其斃命之由係緣自致均已照例填格存查餘屍棺殮統銷厥案查溺斃之屍係屬英人不知緣何溺於水中於初十早該屍浮至石門澳澳海邊適有船澳諸人察覺因而報差撈起請驗時無屍親到認故其姓名籍貫不可得詳惟有相若其東知是係英籍中人而已若斃於獄中者係潮籍人黃姓名故仙者前緣干犯盜案業經府憲提訊罰答十二條後禁六個月以懲厥愆詎其自斃以來時為病廢廢屢以故日益增劇藥石於以無靈病入膏肓却難起死於初十日幽渺渺渺長聞夜臺云

啟者本公司製造開關等器新其坡首器器尾地方安多平專法一切靈  
巧機器火海火鑄鐵大舊物之器具及大小輪船汽機鐵爐各器新式鋼鐵  
器皿一應俱全無不堅固耐久應便合用諸大甲地方本公司開設有年廠道

**機 爐**




代中西士商修整各種損壞機器工價格外公道如有 貴客賜顧者請至本  
廠面議特此佈聞 西一千八百八十一年十一月廿六號 德來安公司啟

**中外各國有限保險公司**

啟者本公司總局設在香港多年備  
有資本銀二百萬元已先收股份人  
來銀六十萬元及餘存銀六十萬元  
在印係本行代理承保各商貨物銀  
兩運輪船來往各埠其保費相用  
照例所有花紅之銀俟結賬之後按  
股分派前一千八百七十八年一  
千八百八十年每股得利息銀計五  
八仙又一千八百八十年至一千八  
百八十二年每股得利息銀計一八  
仙諸貴商賜顧者請至本行開辦商  
可也 大清光緒九年 月 日  
英一千八百八十三年八月廿七號  
毛寶德公司謹啟

啟者本  
新由上海  
到石印各  
自多約計  
廉價發沽  
專欲保諸  
購是荷至  
售日本路  
列列可也  
白寶德啟


**法國頂上蜂窠標萬蘭池酒出售**



啟者茲本公司親由法國督辦上好萬蘭池酒來  
助發售其酒清香濃郁醇厚異常飲之誠可令人長血  
氣壯筋骨悅顏色妙美無窮今市上所有萬蘭池酒無  
有能出其右者誠佐饌中妙品也至此酒准本公司一  
家沽出餘無別家出售 諸君光顧請細認蜂窠標頭  
為記即細辨香味方不致誤價甚相宜倘有劉伶之癖  
者祈早惠臨沽買是荷  
大英一千八百八十八年六月二十號  
大清光緒十四年五月十一日 明嗎也公司謹啟

啟者本行由小呂宋督辦上庄選葉呂宋烟發  
售其貨均屬上等並無低貨機雜且價甚相宜  
其中每箱有五十枝者有五十枝者有一百枝  
者各款俱備香奕異常因邇來凶人年節將屆  
用此以作禮儀餽贈最為合式且能與 諸君  
代辦小呂宋各貨 諸尊賜顧請至土庫花園  
邊奕爾堅洋行之後 與密加釐士打索路店  
售 隔鄰本行相酌是荷  
大英一千八百八十七年十二月七號  
大清光緒十三年 我士連洋行謹啟

**蜜 酒 出 賣**



啟者茲本行由歐洲辦到上等密酒  
來助發售其酒甚佳茲將標頭印出  
諸君光顧祈為細認免致有誤倘  
有無恥之徒假冒本行鎖匙標者本  
行定必嚴為控究再此酒不能販往  
加勝吧 三寶瓏 泗里末  
望加錫 檳榔嶼 日裡等處其  
他各埠均能運往並此佈聞  
大英一千八百八十六年十一月十  
六號 明嗎也洋行謹啟



敬頌儒醫 儒醫江天恩先生者漳州詔安人也家傳醫學數世而先生少則家儒咕哩之餘讀書兼習道壯年屢困場屋有感范文正公之說於其乘備就孤矢四方於焉命駕潛遊 診博駐廣東離寒暑迭更活人無算而先生濟世之心猶未逮也前乙酉年航海來叻寓怡隆行與余一見如故不吝逢人說項果然著手成春欲窮南荒旋遊泗水而各同安堂主人念勛世良醫固不乏人而醫紹發傳語通而省者則寥寥罕觀爰置郵懇請惠然肯來適余親眷有宿疾服藥罔效遂先生一診暫安痊痊於以知儒者可無學醫而醫者必由儒出信夫聊陳俚語佈告同人欲知醫藥之良可向同安堂致請 至聖二千四百三十八年戊子季夏九日 曾廷川謹啟

**線 轆 出 售**




啟者本行專辦英國寶拿士布碌機房各色上等棉線轆發客此線轆與線球不同線身光滑滑於織衣脚車手車最為合用每個足長一百碼價甚相宜曾經呈請英國考驗幸蒙贊賞并賜金錢羊頭號標為記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君 用始知余語之非虛 貴客光顧請認羊頭號標牌為記 庶免有誤 大英一千八百八十七年十一月三十號 香港希士洋行 新嘉坡代理人明馬也公司謹啟

**酒 品 出 賣**

啟者本行督辦歐洲馳名三品洋酒榮助發售其酒係三頭式醫售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君若買本行三品酒者請細認本號標牌之內有小紙包頭計華字號 庶免有誤也公司謹啟 大英一千八百八十五年十二月十九號 大清光緒十一年 月 日 明馬也公司謹啟

**活 侯 亞 士 堅 公 司 告 白**



啟者本公司向來開設本坡久為中西商翁所賞識承英京末汝公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司開辦英京歷久無異素為英國人所賞識不特為英國人所賞識又為鄰國人所賞識不特為鄰國人所賞識且為天下各國人所賞識蓋因該公司立心持平交遊盡善物料既美製作復精所以能遐邇譽於本國鄰國及天下各國者皆為此也現計該公司所製造之機器甚多筆墨難以盡述更僕不可而數非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件件精確如山邱不可枚舉茲因篇幅太狹不能盡述以備諸商翁青重選擇其要而通行者略登報端以為 諸君揀擇焉如水厚水筒皮帶等件較別家稍為相宜貨而亦視別家為特妙請 諸君移玉到本公司一觀真有所聞未聞見之德不啻遊山陰中道令人接應不暇矣至於本公司又有製造做大器之機器以及水扇等件機器尤是名目太多不能備述此奉告尚祈實然賜顧為慰現本廠已遷至工部局貨倉左鄰近復分枝一廠在吉隆坡仙四師爺宮後大馬路至下巴雙河邊橋頭右邊開張以便寄隆 諸君選沽機器以及修理機器等事 諸君光臨請移玉趾是荷 大英一千八百八十七年十一月九號 活侯亞士堅公司謹啟

**新 款 歐 洲 馬 車 轆 等 出 售**



啟者本馬車房自一千八百六十二年開設在小東陵大路邊迄今二十餘年素蒙 諸君惠顧遐邇馳名本車房專代 諸君製造各款馬車無論四輪雙輪大小明暗各車均能製造所用物料均係上等而漆漆畫線亦皆精妙異於其木料均係選用上等美材且皆預買放乾然後製造故無裂綻變樣之病是則不惟悅目且耐用與平常者不同倘 諸君有命本車房製造各車者懇即惠臨務能如意而本車房自有用之馬車出售雖曾用過然再加修飾與新製者無殊其車則四輪雙輪大小款式無不備有以便諸君選購更可代 諸君修理一切車輛其物料概由歐洲預辦充足無須臨時購買修飾甚捷可以赴時告竣且價甚相宜倘 諸君有惠顧者其在本坡則可至本車房面商其在外埠則可函知本車房自能備辦并有各車目錄列明以便選購而本車房復有鞍轡等件出售有服車者乘坐者其中大小雙單各款俱全此鞍轡均由歐洲督辦來坡倘 諸君欲更往歐洲購者本車房亦可為之代辦並能代其馬匹大小配以鞍轡務令合宜即修理舊馬鞍使之重新無不可而本車房前有樹乳之踏足墊出售其墊可自剪裁大小均由尊意 諸君賜顧始知其貨之精也 再本車房因生意日益加增而工件愈患不敷茲更欲廣延各匠以司其事如鑄鐵造木油漆畫線及皮工等類倘有工藝超羣者可即前來相商果能合用自必不惜重酬勞如欲知其詳細情形者可至本車房細說便得特此佈聞 大英一千八百八十八年四月十四號 活侯亞士堅公司謹啟

持刀被罰

○某甲某乙俱爪亞人均執業營生先是皆好賭遊曾至牛車水西娼樓狎有某妓編不知緣何妓竟以蕭郎視之甲等變差成怒於十一夜各懷一刃咸至該樓復着該妓開室相延妓勉從厥命欲以茶烟無何甲等拔刀置案上鏗然鳴因謂妓曰如不相識即以此刃從事妓恐其有傷於己也勉以情事之甲等蓋以是為恐嚇之資也嗣甲等與而去妓與別客語謂甲等懷刃而至焚琴之事蓋幸免耳客以甲等挾刃而來殊非善類因報於差立拘甲等逮案於十二日業經府憲提訊廉得其情因判甲等各罰英銀十元以懲厥辜

痘症又盛

○邇來天氣亢旱痘症又復盛行聞附近梧槽巴武之廿公武吉地方有武吉人某甲子女三人長則二歲次則一齡而幼則六閱月耳於十一日各染痘症相繼而逝昔則呱呱膝下似續克綿今則一綫難留悲成伯道甲之門祚亦可謂衰微孔甚矣噫亦可知痘症之為害匪輕固人不可不慎之又慎也明矣

覆轍堪虞

○十三日武吉巴梭有牛車一輛滿載柴炭僕僕於途不知運載何處適有某甲與一手車逆面而來時則風伯揚威珠塵滿目兩御相對不見竟被該牛推仆手車於地該御疾聲呼喊道上行人始行拯起幸免於傷云

雷火奇聞

○金陵自小暑後天氣酷熱炎熾逼人恍惚坐蒸籠中颯颯風搖汗猶兩滴恨不覓迎涼草當白玉簪插蕭蕭髮際使滿屋之災威可畏一變而為寒氣可親加以田疇望雨尤非一朝一夕鄉裏人踏枯槁取水為挹注計晝夜不得息更甚於坐華屋之下者仰雲漢而歎昭回也上月初五日已酉斜忽有風自東北捲地而來聲如千軍萬馬兩點遂大於電豐隆車般殿列缺之後一震之威雖不至喪七粵然食者驟盈欲者停杯舉案者并不敢齊眉閨門之內肅若朝廷敬天怒當如是也暴雨既過始查悉內橋之東塊下臨河有居民十數家當雷震時有張嫗者親見一物大如毬體圓而色白從空中飛入簷際阿香已追至攝其物透屋脊騰空而出亦不聞雷聲但有火繞柱少頃盡灼火灼時伊猶記長跪庭前不知何時出火坑而來道左尤奇者一羊以避雨躡戶下雷忽擊其後足成一小孔血不下流惟行時使一升一降幾若衣冠中之請安者然是火計共燒七家草瓦屋各半或頂風而徹不返扑或隔巷而燬已飛來故說者謂火燒人心斯言不誣又於龍王廟相近之王姓磨坊內同時擊斃兩驢驢皆跪門外翹長耳如生惟當心各穿一洞背上現朱書一行無有識者據坊主稱驢磨甚得力惟不食惡芻豆好當道立礙人行別無他過因念不過不行方便之小畜耳當今世上十倍於驢之龐然大物只知有己不知有人者正不知其凡幾未聞誰犯天條何此驢獨不免為雷部所細糾或曰是當前生孽今生報非這世孽否則既已一改其面目不復現當時人形毋亦已甚又何必以赫赫之天誅而為世上之六畜示之以警乎斯亦異矣

京報選錄

○頭品頂戴降四級留任閩浙總督兼管福建巡撫事臣楊昌濬頭品頂戴福建臺灣巡撫一等男臣劉銘傳跪 奏為籌辦移設陸路副將員缺改撥營伍以資統攝摺 旨飭部議行恭摺仰祈 聖鑒事竊准兵部咨議臺灣武職改設員缺一摺奉 旨依議欽此抄錄原奏內稱所請安平水師副將移紮後山水尾暨安平以下水師各營均改陸路應毋庸議至臺東應如何設官控制准在附近水陸營分抽撥布置等因准此查臺灣洋面遼闊濤汛紛歧緝捕巡防關繫緊要部議以經制水師各缺未便全改陸路係為專訊防守起見至安協水師副將昔年建設原屬要缺仍沿海情形今昔不同而臺東控扼後山議設武職大員未便稍涉遷就臣等往返商酌安平僅距臺南府城數里臺灣總兵有水陸兼轄之責駐紮府城足可照顧海口補將一缺久為虛設臺東為後山扼要之區非參游所能鎮壓就近營分無可抽撥現又未便輕議添設徒糜餉糧若以安平水師副將改為臺東陸路副將所屬中右兩營都司等缺隨同移撥其左營游擊現駐鹿港將來中路有撫標兩營分布不虞弱應將鹿港游擊作為安平水師營游擊兼臺東鎮管轄所有臺東鎮屬之恒春營游擊改隸臺東仍使鎮協兩標各符原營之數似此量為布置餉項毫無所增於新設地方得有實濟而於水陸營制亦屬相符相應請 旨飭部議行所有臣等籌議移設陸路副將員缺酌撥營伍以資統攝緣由謹合詞恭摺具奏是否有當伏乞 皇太后 皇上聖鑒 飭部議施行再此摺係臣銘傳主稿合併聲明謹 奏奉 硃批兵部議奏欽此 ○頭品頂戴調補陝甘總督閩浙總督兼管福建巡撫事暫署福州將軍臣楊昌濬跪 奏為恭報微臣接署福州將軍暨閩海關印務日期叩謝 天恩仰祈 聖鑒事竊福州將軍善慶於本年四月初七日因病出缺經臣會同福州副都統臣多鑾布電請總理各國事務衙門代奏初九日欽奉 旨楊昌濬著暫署福州將軍欽此臣隨恭設香案望 闕叩頭謝 恩謹於本月初十日將福州將軍印信閩海關關防接受任事伏念臣薄植庸材渥邀 寵擢遠膺疆寄未敢稍涉因循以冀仰副 高厚鴻慈於萬一所有微臣接署查關稅餉需所繫旗營以操防為先臣惟有勉竭愚誠認真經理不敢以暫時攝篆稍涉因循以冀仰副 高厚鴻慈於萬一所有微臣接署福州將軍暨閩海關印務日期並感激下忱謹摺仰祈 天恩伏乞 皇太后 皇上聖鑒 奏奉 硃批知道了欽此 ○楊昌濬片再閩浙水師儘先補用副將員瑀泉前經奏請補授在浦協副將員缺准到兵部議覆查員瑀泉前由監生報捐都司銜並未聲敘在何案報捐續由都司銜請保都司係虛銜請保官均有不符業經行查後聲覆到部再將續保各案核辦所請以該員補授之處應毋庸議仍令另揀儘先合例人員請補等因當經飭查去後所有在浦協副將要缺未便虛懸先行奏請以儘先水師副將提標左營游擊陳旭更補在案茲據該副將員瑀泉覆稱伏查副將前於同治五年十月十四日在皖營捐局助餉案內報捐武監生並同日同案報捐都司職銜中都司銜於閩省酌保


水師人才安內蒙保以都司留閩補用旋奉部議飭另茲獎復經前督臣英桂覆奏仍懇破格錄用同治九年十二月十五日奉 旨貝璠泉等十五員著仍照原保獎屬兵部知道欽此奉到部咨貝璠泉等保舉以都司補用之處分別飭知有案稟請核明奏咨聲覆等情前來臣查記名總兵閩浙儘先補用副將貝璠泉久管兵輪係外海水師宿將曾經英桂沈葆楨兩次保奏奉 旨優獎之員既經查明相案續由都司銜保獎都司核與部准註冊文件尚無不符相應請 旨勅部將續保各案一併核明註冊示覆以便歸班序補除取具詳細履歷另行咨部外臣謹附片具陳伏乞 聖鑒訓示謹 奏奉 硃批兵部知道欽此 ○恭錄等片 再據署理墨爾根副都統印務協領桂康呈稱光緒十四年四月二十三日據署兩黃旗協領佐領富清阿報稱覺羅揚善係 盛京兩黃旗承怡布佐領下附散覺羅因造假帖行使得錢案內審擬發遣黑龍江充當苦差光緒二年十二月到配撥交本旗充當苦差今於四月十八日單身初次由配脫逃追緝未獲請稟報通緝等因前來除咨報宗人府刑部並分咨各城一體嚴緝外理合附片奏 聞伏乞 聖鑒謹 奏奉 硃批知道了欽此 ○潘蔚片 再補用道銅仁府知府王憲曾報捐離任遺缺查有憑據府知府余上華器識深沉實力整頓堪以調署所遺蕙義府缺查有候補知府吳德源才識兼優勤求吏治堪以署理又台拱同知周慶芝精明練達正安縣知縣李上珍安詳謹飭堪以對調署理據藩臬兩司會詳前來除檄飭遵照外謹會同雲貴總督臣岑毓英合詞附片陳明伏乞 聖鑒謹 奏奉 硃批吏部知道欽此

真偽須分 ○嘗謂雲母可以賽珠砵亦能混玉故竊其似而亂其真者比比矣倘不留心審察幾何不為其惑哉啟者本號宜香照記茶莊馳名已久屢蒙 貴客光顧日見暢銷然做亦誠實無欺乃能信乎遠邇不意客歲竟有無恥之徒假冒本宜香字號招牌四處賤沽以偽亂真騙人罔覺做就恐得聲名故在客春登諸告白勸其改過自新意謂既有志經營胡不自立門戶乃借他人之冠裳而壯自己之體面胡為者蓋本號先禮而后兵可為厚道待人矣殊不知偽者終偽自容春派告白後彼更視作具又全然不恤任意騙傳似此寡廉鮮恥何以為訓迫得於客歲七月控諸公庭求官追究而謙源號不自漸愧及早收盤尚敢延請狀師多方掩護謂有蔡姓李姓之分且詐稱前有與蔡宜香合夥種種情虛令人齒冷延至是年七月初六日幸蒙 泉憲大人燭奸擒伏因判被告謙源號失直并責令賠繳兩造訟費又云此後宜香字號不准別人裝來混兌若有人再敢魚目混珠假冒字號許即稟官治以應得之咎等語查此偽茶係李耀尋由唐運到本坡謙源號騙混賣貽誤客商凡各 貴客如蒙惠顧採辦者須認明本號招牌頭字樣並細審茶色庶不致誤謹佈  
大清光緒十四年歲次戊子七月十四日  
新嘉坡馬車街聲利號告白

倒盤貨物出投 ○啟者茲承典主之命於西本月廿一號即華本月十四日禮拜二上午十一點鐘在漆木街第二百廿一號門牌廣振和號內拍賣該店之店底貨物所有蘇羅雜貨各項俱全不能備錄 諸君有合意者請屆期惠臨投買是荷 八月廿一號 巴越主館啟

英國雷沙火船出投 ○啟者茲承雷沙輪船主人之命定西本月廿二號即華本月十五日禮拜三下午二點鐘在本館內拍賣該船及船中所有一切物件因該船與法國運船聯化相碰受傷以致拍賣計該船堪載一百四十二墩長有一百一十英尺餘深十英尺可抵馬力四十五匹乃一千八百七十八年所造現該船泊於叻港如有欲知其詳細者請至該船查閱便悉投定之後須先交實資三份之一餘款限以三日內交清所有拍賣章程另有西字列明覽之便悉此佈 大英一千八百八十八年八月二十一號 巴越館主告白

美 國 校 椅 發 售



巴 越 館 主 告 白

賽花會告白 ○啟者現在稽察公家大花園人員議定准於西明年四月間在公家花園內開設賽花盛會無論花菓菜蔬一切植物皆能往賽現已預備賞單以便獎給茲並議請本坡紳商有種花之好者於西九月間公議賽花會事屆期再行具帖通知而所以預為佈聞者因欲使人得早為預備購辦佳種留心藝藝俾得及期報賽自今以後則本會每年舉行一次其期則在西四月之末五月之初特起會期再為通佈特此預 聞 大英一千八百八十八年八月十七號 公家大花園理事人霍謹啟

撥費告白 ○啟者茲因原告陳際武控告陳際聯一案本司奉 憲憲鈞諭命為通知坡中人等倘諸人有為陳際武及陳際聯二人前在漆木街第三十八號門牌開設之空號號所欠賬目及該二人有 密願抑或典押借借等情定於西九月六號即華八月初一日禮拜四以前將被欠之詳細列單將其人 姓名住址字號門牌以及所欠何物一一書明交到奴呂狀師之處如有過期不至是為自誤不得再為追問倘諸人等有典到該二人 者則須於西九月八號即華八月初三日禮拜六上午十一點鐘呈交本司寫字樓俟本司將所欠之數細為核算作何歸還之處特此預知幸 自誤此佈 大英一千八百八十八年八月十一號 泉籍經理司飛兒預啟



